



# FACTVM,

*Pour Maistre Pierre Cherbonnier, Procureur du  
Roy au grenier à sel de Tours, pour respondre  
en ce qui luy concerne, au faict baillé par Bo-  
bier, sous le nom de Monsieur le Procureur  
General.*




IT ledit Cherbonnier, que toutes les *Sur les.*  
pieces du proces produites, estans bien *art.*  
veuës, il ne se trouuera point aucun chef  
des accusations qui subsiste à lencontre  
de luy.

Respond, que les prinſes & captures *Au 2. Ar.*  
de sel qui ont esté faites sur les voituriers  
& basteliers qui chargent de faux sel & le meslent avec le  
bon, pour l'oster & le vendre au peuple dans le ressort du-  
dit Grenier, comme il est assez iustifié au proces, & par ce  
moyen c'est eux qui perdent les Greniers; c'a esté suiuant  
les Edits, Ordonnances & Arrests, & ne sont point con-  
cussions & exactions comme on le veut pretendre. Il ap-  
pert de la prinſe desdites captures, par bons proces ver-  
baux & iugemēs qui en ont esté surce faits donnez, & em-  
ployé sur les Registres des ventes de sel faictes audit Gre-  
nier, & certifications d'icelles baillées aux Receueurs ge-  
neraux & particuliers, le tout produit en la premiere pro-  
duction de Iean Cheualier, Oliuier de la Forest, & Berträd  
Billard, sous les cottes de C. D. F. G. H. K. & O. & par le  
second inuentaie dudit defendeur, sous la cotte M.

Qui est aussi pour respondre & iustifier du contraire, de

A





ce que lon veut dire que lesdits Officiers ont appliqué le dit sel à leur proffit, ce qui est faux, sous correction, & n'en a ledit Cherbonnier veu ne cogneu aucune chose. Et qui plus est, en l'année 1596. fut vendu de sel de capture deux muids sept septiers ou enuiron, qui fut receu par de Moré Receueur dudit Grenier lors en charge, qui en a tenu compte au Roy, par l'Estat qu'il en a surce présenté à Messieurs les Tresoriers generaux de France à Tours, & de tout le maniment de sa charge & recepte par luy produit au proces en sa production sous la cotte

Et en l'année 1597. fut aussi vendu du sel de capture le nombre de quatre muids cinq septiers ou enuiron, duquel Maistre Vrbain du Puy aussi Reccueur dudit Grenier en charge ladite année, en a tenu compte avec l'autre sel vendu audit Grenier en ladite année pardeuant lesdits Sieurs Tresoriers generaux, en son estat par luy représenté audit Bobier & mentionné au proces, en la production de Monsieur le Procureur general en la cotte C. & sur la fin d'icelle; montant le nombre de quatre vingts sept muids dix septiers trois minots.

Sous laquelle cotte, est aussi produit l'estat dudit Billard Greffier baillé audit Bobier, où il se trouue qu'en ladite année 1597. il a esté vendu & distribué audit Grenier le nombre de quatre vingts quatorze muids huit septiers vn quard, y compris les captures & le sel baillé aux priuilegiez. Lequel sel des priuilegiez est, sçauoir au Chapitre de Sainct Gatien dudit Tours, deux muids: au Chapitre de Sainct Martin, deux muids: à l'Abbé & Conuent de Maire-monstier, vn muid: aux Religieuses de l'abbaye de Beaumont, vn muid six septiers deux minots: & puis les Secretaires du Roy residans à Tours, qui reuiennent enuiron à sept muids, qu'il faut desduire dudit nombre de 94. muids 8. septiers 1. quard, de l'Estat dudit Greffier. Et restera d'iceluy les 87. muids 10. septiers 3. minots, contenus & portez par l'Estat dudit du Puy. Dans lequel nombre appert assez que lesdits quatre muids cinq septiers de sel de capture vendu en ladite année y est compris, & partant tenu en compte comme dit est. Ce qu'il plaira au  
Conseil



3

Conseil de remarquer : ensemble que du sel des Priuile-  
giez, les Receueurs n'en tiennent compte, pource qu'ils  
ne payent aucun droit, ains seulement le prix du Mar-  
chand au Marchand mesme : & lesdits Receueurs comp-  
tent de ce qu'ils reçoient seulement, estant ledit sel des  
Priuilegiez mis à la fin des certifications, & non compris  
dans celui de la vente & captures : & partant mal à pro-  
pos on luy a suscité ceste recherche.

Pour les certifications, il faudroit s'inscrire en faux, & *au 3. ar.*  
n'y a ledit Cherbonnier cogneu ny aperceu aucune faute :  
c'est à ceux qui les ont deliurées à y respondre quand la-  
dite inscription de faux seroit faicte : mais Bobier pour sui-  
uant, vse de tous les artifices qu'il peut, sçachant bien que  
telles pieces font contre ses pretentions, & à la iustifica-  
tion dudit Cherbonnier, comme veritables.

Dauantage de tout ledit sel & capture & amendes fai-  
ctes audit Grenier, depuis Ianuier 1596. iusques au quar-  
tier de Iuillet 1598. ledit Cherbonnier en a baillé & pre-  
senté l'Estat ausdits Sieurs Tresoriers generaux de Frâce,  
faict appeller les Receueurs pour en compter, par luy pro-  
duit en son second inuentaie, sous la cote L. qui est bien  
pour monstrier qu'il n'y a faute ne coulpe.

Ledit Cherbonnier n'a veu ne cogneu qu'il se soit fait *au 4. ar.*  
aucunes fautes informations, que s'il en eust eu cognois-  
sance, il s'en fust pourueu & faict plainte.

Par l'Ordonnance du Roy Henry III. donnée à Paris, *au 5. ar.*  
en Aoust 1579. art. 14. & 27. le sel & amendes qui sont ad-  
iugées pendant les recherches, appartiennent aux Mar-  
chands, pour l'aduance qu'ils font des frais d'icelles : telle-  
ment que la capture de six minots & demy, faicte pendant  
icelles, & vendu és parroisses de Maillé & Fondettes leur  
appartiennent.

Ne se trouuera que ledit Cherbonnier ait vendu ou *aux 6.*  
faict vendre aucun sel en sa maison ne autres lieux, ny *& 7. ar.*  
pris des voitures, sel ny argent, & n'y en a rien au proces  
contre luy, ne qu'il ait faict pacton avec les faux saul-  
niers, au contraire c'est luy qui les vouldroit faire punir :  
aussi pour ce regard n'y a-il tesmoins cōfrontez contre luy.



*au 8. ar.* Ledit Cherbonnier n'est responsable du contenu en iceluy, s'il se trouue y auoir esté commis faute par ceux qui ont signé les Commissions & Rooles: qui ne sont faits avecques luy, & n'en a veu aucune chose estant la charge des Grenetiers, Contreroolleurs & Greffier.

*au 9. ar.* Les mesures du Grenier sont comme elles estoient lors qu'il est entré au Grenier, y ayant lors des anciens Officiers en charge: & aussi qu'elles sont esgales à l'estelon qui estoit entre les mains des Officiers, & telles trouuées par l'un des Messieurs les Tresoriers generaux, comme il eust iustifié s'il eust esté ouï & appelé: & d'ailleurs tels proces verbaux faicts par ledit Bobier, Juge & partie en ceste cause, sont nuls & n'y doit on auoir aucun esgard. Aufdictes mesures de sel descendu & vendu audit Grenier, y a esté mesuré, & d'icelles n'est aucunement parlé au proces sinon que le pretendu proces verbal, produit de nouveau.

*au 10.  
art.*

Les recherches ont esté faictes, non comme lon a voulu dire, ains avec toute modestie, & suiuant les Edits, Ordonnances & Arrests, ayans esté contrains à ce faire par la teneur d'iceux. Ledit Arrest du Conseil, produit par lesdits Cheualier, la Forest & Billard en leur seconde production, sous la cote N. N. qu'il plaira au Conseil voir, & ne se trouueront au proces aucuns tesmoins qui ayent esté confrontez audit Cherbonnier pour ce regard.

*au 11.  
art.*

Que les Informations faictes au proces & mentionnées par ledit article, en ce qui concerne ledit Cherbonnier, qui n'est que pour auoir assisté à des captures de sel, ne peuuent subsister à lencontre de ce qu'il a dit cy dessus, sur le 1. article. Et par les pieces y mentionnées & cortées, qui ont plus de force, vertu & verité que lesdites pretendues Informations, & aussi qu'il y a fort peu de tesmoins, à luy confrontez & suffisamment reprochez, qui ne soient pauvres gens, ausquels ledit Bobier a faict dire ce que bon luy a semblé, & pour haine & inimitié qu'ils ont contre lesdits Officiers.

*le 12. ar.*

*Sur les*

*13. 14. 15*

*& 16.*

*au 17.*

Regarde Maistre Michel Robichon adiudicataire. Ledit Cherbonnier y a respnodu sur l'article dixiesme cy dessus.

Y a respondu sur l'article quatriesme.



Le dire porté par ledit article n'empeschera que les *Sur les*  
 pieces produites au proces par lesdits Officiers ne soient *18. & 19.*  
 bonnes & valables, & n'entendent ceux qui ont escrit les *art.*  
 gabelles, & ne veulent que desguiser la matiere.

Ne conseruent ledit Cherbonnier pour ne luy auoir *Sur les*  
 Houdry, y nommé, esté confronté, ne parlé de luy. *20. et 21.*

Ledit Cherbonnier n'a commis aucuns crimes ny abus, *Sur le*  
 ne veu qu'il en ait esté commis, & ne voudroit seulement *22. art.*  
 y auoir pensé: au contraire tout ce qu'il en a fait c'a esté à  
 fin d'empeschier qu'il en fust commis si aucuns auoient  
 volonté de ce faire.

Ne conseruent ledit Cherbonnier, n'estant responfa- *Les 23.*  
 ble des descentes & ventes qui se font au Grenier, soit *24. 25.*  
 pour les dechets ou autrement. Et ne s'en trouuera rien *26. &*  
 par les Ordonnances n'en tenant registres, ne certifiant *27. art.*  
 icelles n'ayant clefs de Grenier, c'est à ceux qui les ont &  
 qui certifient, d'en respondre.

C'est vn artifice dudit Bobier, dautant que és années y *au 28.*  
 mentionnées, qui sont depuis l'année 1544. iusques en l'an- *art.*  
 née 1588. le boiceau de sel ne se vendoit au commence-  
 ment que sept sols trois deniers, despuis est venu à neuf  
 sols quatre deniers, & monté de temps en temps iusques  
 en ladite année 1588. qu'il se vendoit audit Grenier 22. ou  
 23. sols: & à present il se vend audit Grenier vn escu dix-  
 neuf sols dix deniers. Il y a bien de l'apparence qu'il se  
 puisse vendre la moitié du sel qui se vendoit en ladite an-  
 née 1588. y ayant à present tant de faux saulniers; & plus  
 le sel sera cher & plus y aura de faux saulniers: & le peuple  
 n'a garde d'aller acheter du sel au Grenier, en trouuant à  
 leurs portes à trente ou trente cinq sols le boiceau.

Ce proces est de telle importance pour les Gabelles du  
 Roy & autres, qui y ont droits, gages & rentes, que si les-  
 dits Officiers sont reprins d'auoir prins & osté le faux sel  
 non gabellé aux voituriers, & autres faux Saulniers qui le  
 vouloient vendre tant de nuit que de iour: lesdites ga-  
 belles & droicts seront perdus, n'y ayant Officier qui les  
 regardent seulement. O le grand trafic qu'ils feront de  
 faux sel, voyant que les Officiers ne les rechercheront!  
 c'est ce qu'ils demandent, & leur intention est telle.

Ledit Cherbonnier supplie le Conseil d'y auoir esgard.

